

# थेसलोनिकेला वोतुप तेपा कितुपतिवाला पावलकी टिवु यिकी थल्मा

## दी थेपकी कोर्ला

थेसालोनिके ति रोमी लुड्बाकी माकेडोनियाकी ग्येल्सा यिन। पावलकी फिलिप्पी क्युर ज्यक्सिमा ती थेसालोनिके ग्येसाला चर्च गो चुनोक। यिने ते शाक्येक यहूदीतिवी पावलकी तेन्दोकला लासुड। तिवा ति यहूदी मिनोक, यिने यहूदी फयानला ति गा किनोक। तमा तिवी पावलकी ख्याप्टाक क्यावु लेन ल्यामु ति मी यम्बी सेमला लावु साड गा मिकिनोक। ती तप्की पावल थेसालोनिके क्युर ज्याकनी बेरियाला डोप सोड्सुड। ज्युकला पावल कोरिन्थला वासिमा खोरो मुला राड लाका कितुप तिमोथी नेसुर थेसालोनिकेला वोतुप चर्चकी कोर्ला लेन ड्येसुड।

दी थल्माकी यिकी ति पावलकी थेसालोनिकेला वोतुप ख्रीष्टियानतिवाला डाडेड तेरुपला टिवु यिन। पावलकी तिवी तेपा ताड डियड्ज्येकी कोर्ला लेन थोवु तप्की तिवाला थुचिछे सिनी दी यिकी तड्गुप यिन। दी यिकीला पावलकी खुरुड तिवी मुला वोतुप पेला चुका मिजी क्याड्सुड सिनी तीकी कोर्ला तिवाला टेन्सो लाड वे। ती ज्युकला तीकी ख्रीष्ट फेपुपकी कोर्ला चर्चला क्यावु टिवातिवाला दुका टिलेन बिन्सुडः काड ख्रीष्ट फेपुप सिनाड गोमाला तेपा क्यानी शेष मी ति खो फेपुप पेला नाम्साड मिशिवु मिजी थोप छ्योवु च्युड थुप्किवी? ख्रीष्ट येनुड नम फेप्किवी? ती कोकापला पावलकी तिवाला ख्रीष्ट फेपुपला गुनी देतुप पेला खरक्पा सोके खोकी लाका क्या क्यावा दे सिनी तिवाला योक कुसुड।

## मुला राड वोटुप लोप्येनतिवा

- पावलकी डोशी १:१
- थुचिछे ताड सोवा देकुप १:२-३:१३
- स्त्रीष्टियान च्योलामकी कोर्ला टोङ्गु ४:१-१२
- स्त्रीष्ट फेपुप कोर्ला टोङ्गु ४:१३-५:११
- तिङ्मी टोङ्गु ५:१२-२२
- यिकी सिन्दा क्यावु ५:२३-२८

## पावलकी थेसलोनिकीतिवाला टसी देलेक

१ टसी देलेक! पावल ताड सिलास ताड तिमोथी नेसुर पपा कोन्छ्योक ताड चोवो येशू ख्रीष्टला तेपा कितुप थेसलोनिकेला वोतुप चर्चकी मीतिवाला दी यिकी ति टिवु यिनो।

ख्यिराड तेरीला कोन्छ्योककी कटिन ताड लोदिमु वुड्शी।

### थेसलोनिकीतिवी तेपा

२ ड्यिराड मोपोर कितुप पेला कोन्छ्योकला नरी थुचिछे पुलनी ख्यिराड तेरीला टेन्दा किवी, ३ च्यिलासिसिन दाक्पी पपा कोन्छ्योककी थोड्दाडला ख्यिरा लाका खोड्तेर्मु क्यावु ताड मी यम्बाला ड्यिड्ज्ये क्यावु ताड चोवो येशू ख्रीष्टला रेवा क्यानी गुन देतुप तप्की यिन।

४ अच्युनुपतिवा, कोन्छ्योककी ख्यिराडला ड्यिड्ज्ये क्यानी पेन नड्गुप यिन सिनी ड्यिराडला छ्या वे। ५ च्यिलासिसिन ड्यिरा ख्याप्टाक क्यावु लेन ल्यामु ति ख्यिरा ते सुडला तिराड बिन्दुप मिन, यिने ओड ताड कोन्छ्योककी थु चाड्मा नेमा तेन्तेन क्यानी बिन्दुप यिन। ड्यिराड ख्यिरा पर्ला वोतुप पेला चुक क्यानी ख्यिराडला दाल्जा किटे क्यासुड सिरुप ति ख्यिराडला राड छ्या वे।

६ ख्यिराडला छेटाड ताड दुक्पा बडी च्युडिसनाड कोन्छ्योककी थु चाड्माकी लोदिमु नड्गुप तप्की ख्यिरा कोन्छ्योककी सुड ल्यामु क्यानी ड्येन्सुड। तुक क्यानी ख्यिरा ड्यिराड ताड चोवो येशूकी दोके लुमु सेतुप च्युड्सुड। ७ ती तप्की माकेडोनिया ताड अखैयाकी तेपा कितुपतिवा तेरीकी पर्ला ख्यिराड पे च्यिक च्युड्सुड। ८ च्यिलासिसिन ख्यिरा नेसुर राड चोवो येशूकी सुड ति माकेडोनिया ताड अखैयाला तिराड फेलुप मिन, यिने कोन्छ्योकला ख्यिरा क्यावु तेपा ति दासा तेरीला फेलुप तप्की त ख्यिराडला दीकी कोर्ला ड्यिरा सि गोवु ताम्डे काड साड मे। ९ तमा ड्यिराड ख्यिरा पर्ला वुड्गुप पेला ख्यिरा ड्यिराडला गासो शुवु ताड कुतिवाला शब्ज्यी बुलुप क्युर ज्याक्नी डोसु ताड टेड्बु वोतुप कोन्छ्योकला सोवा पुलुप ताम्डे ति माकेडोनिया ताड अखैयाकी मीतिवी खोप्रे राड लप्किवी। १० तोजो तिराड मिन, टुड्गुप ने डोसु लानी दाक्पुला त ख्येल वुड्गुप छ्येर्पा नेसुर ज्होक ज्यितुप कोन्छ्योककी सेवु ति देवाच्येन नेमा फेवुला ख्यिराड गुन देतुप ताम्डे साड तिवी खोप्रे राड लप्किवी।

### थेसलोनिकेला पावलकी क्यावु लाका

२ अच्युनुपतिवा, ड्यिराड ख्यिरा चिप्ला वावु ति तेर्मे राड मागल सिनी ख्यिराडला छ्या वे।

२गोमाला डियराड फिलिप्पीला वोतुप पेला छेटाड खुरुप ताड तेकी मीतिवी डियराडला डियड्मर क्यावु ति ख्यिराडला छ्या वे। डियराड थेसलोनिकेला वासिमा साड तेकी मीतिवा डियरा तेन्दोकला लासुड, यिन्सिनाड कोन्छ्योककी डियराडला डाडेड नड्गुप तप्की खोकी लेन ल्यामु ति ख्यिराडला ख्याप्टाक क्यायिन। ३डियरा ख्यिराडला ख्याप्टाक क्यावु लेन ल्यामु ति डियरा नासाम मेलोवा ताड्नी क्यावु मिन, सेम मेटेड्बु क्यानी क्यावु साड मिन, ताम्डे जोनी ख्यिराडला केन्दुपला साड मिन। ४यिने कोन्छ्योककी डियराडला लो तेन्नी लेन ल्यामु ख्याप्टाक कि च्यिसुड। डियरा ख्याप्टाक क्यावु लेन ल्यामु ति मीला गा लोड्गुपला मिन, यिने दाकपी सेम ल्हाप कोन्छ्योकला गा लोड्गुपला यिन। ५डियरा नाम्साड मीतिवाला ताम्डे ल्यामु तिराड क्यानी गा लोड्गुप लाका माक्या। तमा देर्पा साड माक्यावु ति ख्यिराडला छ्या राड वे। दीकी पड्बु ति कोन्छ्योक राड यिन। ६-७डियराड ख्रीष्टकी लोमा छ्ये यिन्दुप तप्की डियरा ख्यिरा खला ओड्ज्येन साड कि थुष्किवी, यिने ख्यिराड ताड मी यम्बा सु नेसुर साड डियरा ताड्देन माछल्नी आमी खोरो आडातिवाला ल्हावु दोके डियराड ख्यिरा पर्ला सेम बोल्मु च्युडियन। ८तुक क्यानी डियरा ख्यिराडला छासे डियड्ज्ये लानी कोन्छ्योककी लेन

ल्यामु तिराड ख्याप्टाक क्यावु मिन, डियरा मिजी साड ख्यिरा थोकला तेरुप छलिन।

९अच्युनुपतिवा, डियरा हुर्ताक क्यानी रड्गी टेमु क्यावु याड ख्यिराडला छ्या राड वे। ख्यिराड सुला साड काले मेख्येल्शी सिनी डियरा ड्यी ताड नुप्य्या लाका बडी क्यानी कोन्छ्योककी लेन ल्यामु ति ख्यिरा पर्ला ख्याप्टाक क्यायिन।

१०तमा ख्यिराड तेपा कितुपतिवी पर्ला डियरा किताड नालु ति चाड्मा ताड टेड्बु वोतुप ताड काड साड क्येन मेतुप ति ख्यिराड राड पड्बु वे, तमा कोन्छ्योक साड पड्बु वे।

११-१२पपी खोरो पुज्युडपुमला क्यावु दोके डियरा ख्यिराड रे रेला टोड्गु ताड डाडेड बिन्दुप ति ख्यिराडला राड छ्या वे। तुका टोड्गु बिन्दुप ति ख्यिरा किताड नालु ति कोन्छ्योककी सेमला डो छ्योवु च्युड्गुपला यिन। ती कोन्छ्योककी ख्यिराडला खोकी ग्येल्खाप ताड खोकी मोवाला कताड नाड्सुड।

१३तुक क्यानी ख्यिरा थोकला डियराड कोन्छ्योकला नरी थुचिछे बुलिन। च्यिलासिसिन ख्यिरा सुड ड्येन्दुप पेला मी सुड दोके क्यानी मिन, यिने कोन्छ्योककी सुड दोके क्यानी सेमला लासुड। वुतुड के ती सुड्गी ख्यिराड तेपा कितुपतिवी मिजीला लाका साड कियी वे।

१४अच्युनुपतिवा, ख्यिराड यहूदियाला

वोतुप तेपा कितुप कोन्छ्योककी चर्चकी मीतिवी दोके लुमु सेतुप च्युङ्सुड। च्यिलासिसिन यहूदियाला वोतुप तेपा कितुप मीतिवाला तेपा मिकिवु यहूदीतिवी छेटाड बिन्दुप दोके ख्यिरा साड ख्यिरा लुङ्बी मीतिवा नेसुर छेटाड खुरिन वे। १५ती यहूदीतिवी राड गोमाला कोन्छ्योककी लुङ्तेम्बातिवाला साड सेतुप यिन, चोवो येशूला साड सेसुड। ड्यिराडला साड कनी ग्येसाला गल्लिसनाड दे माच्यिनी शार्सुड। तमा तिवा कोन्छ्योकला गा मालाङ्नी मी तेरीकी तेन्दोकला लङ्गिनोक। १६तमा यहूदी मिन्दुप मिरिक यम्बाकी मीतिवा थर्शी सिनी ड्यिरा तिवाला सुड ख्याप्टाक कितुप पेला साड तिवी ड्यिराडला क्येक्सुड। तुक क्यानी तिवा ड्यिमी टेड दिक्पी क्येङ्गुप तप्की कोन्छ्योककी पर्च्या ति तिवी खला ख्येल्नी वे।

### थ्रेसलोनिकीतिवाला पावलकी ठेतुप नो क्यावु

१७अच्युनपतिवा, दाक्पु तन्दा चेयी पर सेक दासा कुतुक कुतुकला देनी वे, यिने सेम ति च्यिक्पा राड वोतुप तप्की ख्यिराडला छासे ठेयिन्दे लासुड। १८तुक क्यानी ड्यिराड ख्यिरा चाला वुङ्गुप नो क्यायिन। ड पावल साड थेङ्मा अलायी ख्यिरा ते वुङ्गुप छलिन, यिने शैतानकी ड्यिराडला क्येक्सुड। १९च्यिलासिसिन चोवो

येशू फेपुप पेला खोकी दोङ्गुला ड्यिरा रेवा ताड लोदिमु ताड तेके क्यावु उशाक ति काड ख्यिराड राड मिन रो? २०ड्यिरा मोवा ताड लोदिमु साड वुतुड के ख्यिराड राड यिन।

३ ख्यिराडला ठेतुप माङ्ग्येसिमा ड्यिराड हम क्यानी दे माथुप। तमा ड ताड सिलास ति एथेन्सला देतुप ति ल्यामु यिन सिनी नासाम तङ्गुप तप्की २कोन्छ्योककी सुड ख्याप्टाक कितुप दाक्पी नुप तिमोथीला ख्यिरा ते तङ्गिन। च्यिलासिसिन तीकी ख्यिराडला तेपा रम्बु क्यानी दे ज्यितुपला ताड टोङ्गु तेरुपला ताड ३चुका छेटाड ख्येल वासिनाड ख्यिराड सु साड तेपा नेसुर फला छुला मोडोशी सिनी तीला ख्यिरा ते तङ्गुप यिन। तुका छेटाड ति दाक्पु तेपा कितुपतिवा तेरीला गिवी सिरुप ति ख्यिराडला छ्या वे। ४तोङ्गुला ड्यिराड ख्यिरा मुला वोतुप पेला साड ख्यिराडला छेटाड ख्येल्लिग्वी सिनी ड्यिरा ख्यिराडला थेङ्मा बडी सिक्क्यायिन। दी ति वुतुड के च्युङ्सुड। ती ति ख्यिराडला साड छ्या वे। ५तुक क्यानी ड तरोड साड हम क्यानी दे माथुप्नी ती खोक्पा लहाप शैतानकी ख्यिराडला साड खोक्पा लहासिन ड्यिरा क्यावु टेमु ति तेमें राड डिते सिनी ज्यिवा लानी ख्यिरा तेपा चुकै नोक सिनी लहापला तिमोथीला ख्यिरा ते तङ्गुप यिन।

६यिने तन्दा तिमोथी ख्यिरा तेसुर ड्यिरा चाला वानी ख्यिरा तेपा ताड ड्यिराडला लाप्सुड। तोजो तिराड मिन, ख्यिरा ड्यिराडला ड्यिराडला लानी नरी टेन्गिनोक। तमा ड्यिरा ख्यिराडला ठेतुप नो क्यावु दोके ख्यिरा साड ड्यिराडला छासे ठेतुप नो क्या वे सिरुप ति तीकी ड्यिराडला लाप्सुड। ७तुक क्यानी अच्युनुपतिवा, ख्यिरा तेपा क्यावु तप्की ड्यिराड दुक्पा ताड छेटाडला ख्येलुप पेला साड डाडेड ड्येनी वे। ८ख्यिरा कोन्छ्योकला तेपा रम्बु क्यानी देतुप तप्की ड्यिराड सेम लोदिमु क्यानी दे थुक्किवी। ९ख्यिरा थोक्ला ड्यिराड कोन्छ्योककी थोड्दाडला छासे लोदिमु वे। तुक क्यानी ड्यिरा खोला चो थुचिछे पुल्सिनाड ड्युड्मु डिवी। १०ख्यिराडला येलुड ठेनी ख्यिरा तेपा ति मड रम्बु जोपला ड्यी ताड नुप्ज्या ड्यिराड कोन्छ्योकला मोपोर कितिन।

११त दाक्पी पपा कोन्छ्योक ताड चोवो येशू ख्रीष्टकी ड्यिराडला ख्यिरा चाला वुड्गुप लाम ति पेन नड्शी। १२चुक क्यानी ड्यिरा ख्यिराडला ड्यिराडला क्यावे, तुक राड क्यानी कोन्छ्योककी ख्यिराडला च्यिककी च्यिकला ताड मी तेरीला मड मड ड्यिराडला कितुप जो नड्शी। १३तमा चोवो येशू ख्रीष्टकी ख्यिरा तेपा रम्बु जो च्यिनी खो खोरे चाड्मा वोतुप

मीतिवी मुला फेपुप पेला दाक्पी पपा कोन्छ्योककी दोड्ला ख्यिराड चाड्मा ताड काड साड क्यान मेतुप जो नड्शी।

### कोन्छ्योकला गा लोड्गुप

४ तेरी सिनाड तिड्ला अच्युनुपतिवा, चोवो येशूकी मिडला ड्यिराड ठाकुरे सिनी ख्यिराडला गोड्बा शुनी टोड्गु तेरिनो। ख्यिरा मिजी चुक क्यानी क्याड गोक्किवी, चुक क्यानी कोन्छ्योकला गा लोड गोक्किवी सिनी ख्यिरा ड्यिरा नेसुर लाप्सुड। तमा तन्दा सेक ती दोके कियी वे, तरोड साड ख्यिराड मड मड फरिन ग्युक। २तमा चोवो येशूकी ओडला चुका चुका कतिवा ड्यिरा ख्यिराडला बिन वे, ती ति ख्यिराडला राड छ्या वे।

३च्यिलासिसिन कोन्छ्योककी नोवा ति ख्यिराड चाड्मा देशी सिरुप यिन। तीकी तेन्दोक ति ख्यिराड शम्डेन माकी, ४ख्यिराड दाक दाकपुला टेड्बु क्यानी रड्गी पेर्मीला ताड्देन की, ५कोन्छ्योकला डो माशेवु मिरिक यम्बातिवा दोके शम्डेन माकी सिनी सिक्क्यावु यिन। ६तमा सी साड खोरो नुपला मेलोकपा मिक्किशी। च्यिलासिसिन दी तेरी ताम्डेकी छ्येर्पा तेरुप ति कोन्छ्योक राड यिन। ड्यिरा ख्यिराडला गोमाला राड सिक्क्यायिन। ७काड यिन सिसिन कोन्छ्योककी दाकपुला मेटेड्बुकी थोक्ला मिन, यिने टेड्बुकी थोक्ला कताड नड्गुप

यिन। ९तुक क्यानी सी दी ताम्डेतिवा मेङ्गेन्वे, तीकी मीला माङ्गेन्दुप मिन, ख्यिराडला थु चाडुमा नङ्गुप कोन्छ्योकला माङ्गेन्दुप यिन।

६त अच्युनुपतिवा ड्यिङ्ज्येकी कोर्ला याड सी साड ख्यिराडला टिक गोवु मे। च्यिलासिसिन च्यिककी च्यिकला ड्यिङ्ज्ये कितुपकी कोर्ला ति ख्यिराडला कोन्छ्योक नेसुर राड येन्देन ड्येतुप तप्की १०माकेडोनियाकी तेरी अच्युनुपतिवाला ख्यिराड वुतुड के ड्यिङ्ज्ये कियी वे। अच्युनुपतिवा, तरोड साड मड ल्हक्पा तुक राड क्यानी ड्यिङ्ज्ये की सिनी ड ख्यिराडला टोङ्गु तेरिन। ११ड्यिरा ख्यिराडला टोङ्गु बिन्दुप दोके मी यम्बी कोर्ला ताम्डे माकी, यिने दाक दाक्पी लाकाला नासाम तङ्नी लाका की। १२तुक क्यासिन तेपा मिकिवु मीतिवी ख्यिराडला ताङ्गेन किवी। तमा ख्यिराडला मी यम्बी काड रे च्यिक रे तेर्किते सिनी सुला साड रेवा क्यानी मादे।

### चोवो येशू येलुड फेपुप कोर्ला

१३अच्युनुपतिवा शेषतिवी कोर्ला ख्यिराड हाक्माकोवा क्यानी मेदेशी, तमा रेवा मेतुप मीतिवा दोके सेम्दुक क्यानी साड मेदेशी सिरुप ति ड्यिरा नोवा वे। १४च्यिलासिसिन येशू टुङ्नी येलुड डोसु लावु ति ड्यिराड तेपा किवी। तुक राड क्यानी येशूला तेपा क्यानी शेषतिवाला येशू

येलुड दी जम्बुलिडला फेपुप पेला कोन्छ्योककी येशू ताड मुला राड तिवाला कताड नङ्गिगी। १५चोवो येशू दी जम्बुलिडला ज्युवु पेला नङ्गुप सुड नेसुर राड ड्यिराड ख्यिराडला सिरिन। ती शेषतिवा ति चोवो येशू लोड दी जम्बुलिडला फेपुप पेला सेक सेन्बु वोतुपतिवा सिनाड गोमाला के येशूला ठेकिवी। १६च्यिलासिसिन चोवो फेपुप पेला क नङ्गुप थोर ग्येर्पु ताड देवाच्येनकी लेन क्योलुप थु छ्येकी वोरु ताड कोन्छ्योककी ग्यङ्गुड तोङ्गुप वोरु ताड मुला देवाच्येन नेमा पाप्नी फेक्किवी। तमा ख्रीष्टला तेपा क्यानी शेषतिवा ति गोमाला के सेन्बु लङ्गिगी। १७ती ज्युक्ला दाक्पु तेपा क्यानी ती पेला सेक सेन्बु लुवुतिवा तिवा ताड मुला राड नाम ने केला मुक्पी पर्ने चोवोला ठेतुपला तेक्नी डिवी। तमा दाक्पु नरी खोकी मुला राड देतुप ड्येकिवी। १८तुक क्यानी च्यिककी च्यिकला चोवो येशूकी नङ्गुप दी सुड नेसुर टोङ्गु बिना।

### चोवो येशू येलुड फेपुप कोर्ला

५ अच्युनुपतिवा चोवो येशू चो पेला ताड नम पेला फेपुप कोर्ला याड ख्यिराडला काड साड टिक गोवु मे। २च्यिलासिसिन चोवो येशू फेपुप तुजे याड नुपला कुर्मन वावु दोके हाक्माकोवा क्यानी गिवी सिरुप ति ख्यिराडला राड छ्या वे। ३मीतिवा

लोदिमु ताड सेम किर्मु क्यानी देकिवी। ती पेला पर्मी पुज्युडला हाक्माकोवा क्यानी आडा क्येप सुक ग्यपुप दोके तिवी खला छेटाड ख्येल गिवी। तमा तिवा सु साड ती छेटाड ने थर मुथुपी। ४यिने अच्युनुपतिवा, ख्यिराड याड येशूला तेपा क्यानी नक्तोमीला युक्पुप मी मिन। ती तप्की ती कुर्मेन दोके हाक्माकोवा क्यानी वुङ्गुप छेटाडला मेख्येल्वी। ५च्यिलासिसिन ख्यिराड तेरी ठछ्येली ताड डियमी गुडगी गिपा यिन, नुप ताड नक्तोमीकी गिपा मिन। ६तुक क्यानी दाक्पु ति नक्तोमीला डियलोकुप मी यम्बा दोके डियमालोकनी च्याड्से देतुप। ७च्यिलासिसिन डियलोकुपतिवा नक्तोमीला डियलोकिवी, तमा छ्याड्गेलेतिवा नक्तोमीला आराक थुनी जिवी। ८यिने दाक्पु याड ठछ्येलीला वोतुप कोन्छ्योककी गिपातिवा यिन्दुप तप्की च्याड्से क्यानी देतुप। तमा मक ग्यकुप पेला मक्मीतिवी छेकोक ज्होकुपला च्या ग्यपुप दोके क्यानी चोवो येशूला तेपा कितुप ताड च्यिककी च्यिकला डियड्ज्ये किसान। तमा मक्मीतिवी गो ज्होकुपला च्याकी शमुड कोन्दुप दोके क्यानी कोन्छ्योककी दाक्पुला थर ज्यितुप रेवा क्यानी देतुप। ९च्यिलासिसिन कोन्छ्योककी दाक्पुला छ्येर्पा तेरुपला मिन, यिने दाक्पी चोवो येशू ख्रीष्ट नेसुर दिक्पा ने थर थुपुपला तोड्ला के पेन नङ्गुप

यिन। १०खो दाक्पी थोक्ला टुड्सुड। ती तप्की दाक्पु सेन्बु देसिनाड शिसिनाड नरी खोकी मुला राड मिजी क्योङ्गुप। ११तुक क्यानी ख्यिरा तसाम क्यावु दोके च्यिककी च्यिकला टोङ्गु बिन्नी तेपा रम्बु क्यानी देता।

### पावलकी बिन्दुप तिङ्मी टोङ्गु

१२अच्युनुपतिवा, ख्यिराडला डियराड ठाकुरे सिनी गोड्बा शोयी। ख्यिरा पर्ला टेमु क्यानी ख्रीष्टकी ओडला गोमा कितुप ताड टोङ्गु तेरुपतिवाला ताड्देन की। १३तमा तिवी क्यावु लाकाकी थोक्ला तिवाला ल्यामु क्यानी मड ताड्देन किसान। ख्यिराड तेरीकी मुला थिन्नी देता। १४अच्युनुपतिवा, ख्यिराडला डियराड टोङ्गु तेरिन। छेशिक्पातिवाला येन्देन बिन, सेम्दुक कितुपतिवाला साड टोङ्गु बिन, दाल्जा कि गोवुतिवाला दाल्जा किटे की, तेरीकी पर्ला कुसु ज्यम्बु क्यानी दे। १५ख्यिराड सी साड मेलोकपाकी थोक्ला मेलोकपा माकी, यिने च्यिककी च्यिकला ताड तेरीला ल्यामु कितुप नासाम तोडा। १६नरी सेम किर्मु क्यानी दे। १७नरी मोपोर क्यानी देता। १८दुकपा ख्येल्सिनाड किर्मु वोसिनाड कोन्छ्योकला थुचिछे पुल। च्यिलासिसिन येशूला तेपा कितुप मीतिवा तुकै राड वुड गोकिवी सिरुप ति कोन्छ्योककी नोवा यिन। १९कोन्छ्योककी थु चाड्माकी कितुप



लाकाला माग्यक। २० कोन्छ्योककी लुङ्तेम्बातिवी नम्दर शेतुप ताम्डेला मारे मातोड। २१ तेरी ताम्डेतिवा ल्यामु वोतुप मेतुप ल्होसा। तमा चुका ताम्डे ति ल्यामु नोके, तीला राड युसा। २२ मेलोवा वोतुप तेरी ताम्डे दुक्टा नेसुर कुतुक देता।

२३ लोदिमु नङ्गुप कोन्छ्योककी राड ख्यिराडला तेरी टेङ्बु जो नङ्शी, तमा दाक्पी चोवो येशू ख्रीष्ट फेपुप पेला सेक ख्यिरा थु ताड सेम ताड जु तेरी काड साड क्येन मेतुप

च्युङ्शी। २४ ख्यिराडला कताड नङ्गुप कोन्छ्योक ति खोङ्तेर्मु वे, खोकी राड ख्यिराडला ती तेरी ताम्डेतिवा नङ्गिगी।

२५ अच्युनुपतिवा, ड्यिरा थोक्ला साड मोपोर किसा। २६ तेरी अच्युनुपतिवाला ड्यिङ्ज्ये ताड मुला टसी देलेक सिसा।

२७ चोवोकी मिडला ड ख्यिराडला गोङ्बा शोयी, दी यिकी ति रानी तेरी अच्युनुपतिवाला ड्येन्शिता।

२८ दाक्पी चोवो येशू ख्रीष्टकी कटिन ति ख्यिराडला वुङ्शी।

